


欽定八旗通志

土田志

卷六十七
之六十八



欽定八旗通志卷六十七

土田志六

土田規制

屯戶規制

謹案雍正二年以內務府餘地併入旗入官地畝於霸州等處撥旗人首

戶試行井田故舊志立井田一目乾隆元年已停止井田改為屯戶今敬遵新例標目而仍列

井田規制於前識緣起馬

雍正二年閏四月

諭曰朕交與怡親王查戶部餘地內務府衙門餘地拖欠

錢糧人員所交地畝數目俱已查明具奏朕盡行覽過爾等卽照此辦理但內有民地如何辦理之處爾等議明具奏再行辦理

六月怡親王等覆奏臣等查得內務府餘地共一千六百餘頃拖欠錢糧人等所交地共二千六百餘頃此二項地內挑選二百餘頃作爲井田行文八旗除官員子弟現在讀書之人及有產業現可當差並後順藩下人等外將無產業滿洲五十戶

蒙古十戶漢軍四十戶共挑選一百戶前往種地

此撥去種地之人自十六歲以上六十歲以下各

授田百畝周圍八分爲私田中間百畝爲公田共

力同養公田俟三年之後所種公田百畝之穀再

行徵取將革職大員內誠實有年紀者揀選二員

前往勸教管理三年之內果有成效著令議敘十

月後農事旣畢令打步圍學習射箭伊等子姪內

有好者令本佐領照常挑差如果行之有效再照

此例派往一次庶無產旗人各得竭力以務本業而亦可服苦矣令戶部挑選賢能司官會同該州縣將拖欠錢糧人員所交之地查明收貯仍將地之腴瘠租價之實數查明分爲等次造冊報部再與種地人等壓蓋土房四百間設立柱莊之處亦交與查地官員即將此項地內挑選設立算其人

口分給每間給銀十兩共需銀四千兩仍將用過銀數造冊報部俟土房蓋完之日將種地人等令其前往居住此耕種井用人每名給銀五十兩以

爲一年辦買口糧牛種農具之用將此銀卽交與查地官員會同管理勸教二人公同監辦若有餘剩銀兩分與伊等以備來年種地之用將用過銀兩報部查核壓蓋土房辦買農具合算共約需銀一萬四千兩此二項地內除挑選井田地畝外仍有地四千餘頃約計一年可得租銀三萬餘兩立此井田所需銀兩將戶部銀兩支給再拖欠錢糧

人等所交之地如何作價抵補拖欠錢糧之處俟
查完地畝後再行議奏現在地內有典旗人地畝
者有典買民人地畝者先經內務府奏稱如典旗
人地畝勒限三月准其取贖如逾限卽行入官辦
理此內有典買民人地畝俱關係地方錢糧應交
與地方官勒限三月令原業主取贖如逾限將此
地交與該撫給與本地民人收取原價解交內廣
儲司等語但典賣民地畝之人俱係貧窮小民勒限

則不能遽得銀兩取贖請暫停勒限使民人得銀
卽在戶部具呈驗看原契照部原折價銀交納准
其取贖未贖之前照例取租解部贖後止租再查
戶部餘地俱係供應各處撥給備用之地仍令各
處收贖備用如有撥給之處仍照舊撥給再作井
田地畝內倘有旗民人等之地交雜其中者將就
近存貯好地內照數換給如此八旗中無產業者
各得產業以全生計均沾

聖主洪恩於無既矣奉

旨所議甚好照行

三年正月又奏新城縣有地一百一十六頃零固
安縣有地一百二十五頃八十九畝零俱係拖欠
錢糧人等所交及內務府所收之地畝查固安縣
地畝坵段雖屬零星然皆附近村居且去京師甚
近甚可分給種地人等耕種請將固安縣所有一
百二十五頃八十九畝零官地以十二頃五十畝

爲公田以一百頃爲私田計得十二井五分其存
剩一十三頃三十九畝零爲種地之人室廬場圃
處所至壓蓋土房需銀四千兩令直隸總督於雍
正二年地丁錢糧內動支交地方官卽行壓蓋務
於二月內完工庶耕種不失農時一面預行挑選
種地人等俟土房報完之日卽給與口糧牛種農
具等項銀兩撥往居住其管理之員俟八旗查送
到日彙齊引

見恭候

欽定奉

旨依議耕種之期已近壓蓋土房務期堅固不可草率即

速行文

二月又奏井田管理之員據八旗都統咨送原任

副都統保德等二十九員到部相應開列職名即

帶領引

見奉

旨此次著厄爾德黑連宵先去將此十人爾部記檔再派

往時此內派往

五年奉

上諭旗人柳號鞭責治罪革退官兵並無恒業在京閒住

倚靠親戚為生以致良善之人被累維艱而伊等無事

閒游不能不生非為惡將此等之人查出令於京城附

近直隸地方耕種井田作何安置之處王大臣等會議

具奏遵

旨議定將八旗滿洲蒙古內拖欠錢糧及爲非犯法柳責
治罪革退官兵皆并其妻子發往井田各該旗查
明備造細冊鈐蓋印信發與管理井田之官嚴行
約束令其耕種不許出入京城伊等子孫內如有
長大誠實弓馬嫻熟欲來京披甲當差者該管官
保送來旗於挑選披甲時仍行挑選若挑選後爲
非犯法者將保送之官一體治罪發往井田之人
在彼處仍行怙惡不悛妄生事端者管理井田官

卽呈報該旗咨部加倍從重治罪巡察御史地方
官員亦不時稽察若不守分飲酒生事等項地方
官不申報該督或該督不咨行該地方被巡察御
史察出將州縣官並該督議處若御史不行查叅
將御史治罪再管理井田之員有事呈報各旗若
無記識難以憑信交與該旗鑄給管理井田關防
但今發往之人皆係從前已經治罪不必照先去
之人安置每戶給三十畝五戶共給牛三隻購買

牛具籽粒等物及每年口糧每戶給銀十五兩交
與管理井田官員於相宜地方築建土堡酌量人
口多寡蓋土房俾其居住發往之人管理井田
官員不能料理妥貼或約束不嚴致令生事擾害
地方者將管理官員從重治罪嗣後每年一次查
出發往再有開戶之人犯法治罪退甲閒住不無
妄生事端嗣後給與發往井田人內効力良善之
人爲佃丁不許擅賣令其出力

又

諭井田地方止有一人管理著於彼處再補放驍騎校四
員領催八各料理事務俸餉陞轉照在京驍騎校領催
一體以爲彼處之人出身之路若陞轉後仍在彼處効
力者卽令其帶銜在彼居住此二年在彼勤慎可用應
補驍騎校之人著保送到部引見補放

乾隆元年四月和碩莊親王等奏設立井田試行
十年以來所有承種之一百八十戶緣事咨回者

已有九十餘戶循環頂補大都皆不能服田力穡
之人行之未見成效但此時若盡行撤回則勤謹
者轉致失業若將不肖之戶咨回更換勢必增添
工本徒費錢糧臣等酌議應令確察實力耕種安
插得所者改爲屯戶按畝完納屯糧於附近州縣
倉內收貯備用其原設之驍騎校撤回該旗補
戶聽該處防禦管轄原設之驍騎校撤回該旗補
用不能力穡之戶咨回本旗俟其撥補原領田房

交州縣賃耕取租解部又雍正五年將過犯革退
之旗人發往固安新城二縣每戶給地三十畝并
給牛具籽種蓋造土堡房屋令居住耕種當經各
旗發過六十二名除病故逃亡外現今只存二十
七戶此二十七戶亦應查明將實力耕種者改爲
屯戶其中不肖之戶亦令咨回本旗奉

旨依議

十一月又議覆管理井田事務甘國璧等條奏屯

莊七款

一井田每戶原給田一百二十五畝以十二畝五分爲公田十二畝五分爲室廬場圃一百畝爲私田公田糧石原係盡收盡報今改爲屯莊未便仍循公田舊例應交與戶部核定科則行令該州縣遵照徵收屯糧

一堡戶原止給地三十畝俾其自種自食不交公糧今既改屯若令其按畝完糧未免拮据且現在

此等戶數亦屬無多應聽其暫行照舊耕種

一三堡旗人零星居住旗民雜處難於約束稽查應將各戶原領房地交還州縣卽於咨回井戶所遺房地內照數撥給

一改屯人戶嗣後身故有子者自應頂補倘遇無子寡婦情願守節並無親屬可依者留地四十畝養贍卽令本屯人代種完糧俟伊身後仍將地畝交官召種

一井田原撥霸州固安永清新城四州縣之地今
議改屯莊令防禦管轄而現在防禦止有霸州一
員固安一員應將附近霸州者令霸州防禦管轄
附近固安者令固安防禦管轄
一井田各莊向設鄉長一名專供督率農務交糧
并稽查逃盜賭博等事今改屯莊請仍留供役如
果能勤慎遇屯長缺出准其拔補
一驍騎校在外耕種多年一旦撤回未有可補之

缺該員呈稱難以度日應准其暫留種地俟有缺
補放之日卽令回京將地畝交還州縣奉

旨依議

三年戶部覆准從前井田每戶每年交穀十二石
五斗收貯縣倉今改爲屯田是並無公田私田之
分應照畝輸糧每畝徵屯糧一斗旣不失十二石
皇上愛養旗人之至意復與原設井田良法亦不相悖
所有霸州之狄家莊等四處共地三十六頃二十

五畝固安之蠻子營等五處共地六十四頃十一
畝零永清之喬家營等三處共地二十七頃五十
畝新城之莊西官井三邨共地二十七頃十二畝
零以乾隆二年爲始令各州縣會同防守尉於秋
收後照數徵收并照口外熱河八旗地畝之例造
冊入地糧冊內報部查核奉

旨依議於二十日奉旨回京辦理並交嚴州總奉

十二年六月奉旨交與該州縣辦理其冊留縣與尉存

上諭直隸通省今年應徵地丁錢糧已加恩全行蠲免
固安霸州二防守尉所轄應徵屯糧例不在蠲免之
內但朕念耕種井田之旗戶按畝輸穀在縣交納與
民田正賦納銀者相同著將固安霸州二防守尉本
年應徵屯糧穀石一體加恩蠲免該部卽行文該督
知之

十七年三月戶部議覆直隸總督方觀承疏稱霸
州固安永清新城四州縣共查出屯戶私立年限

金定八旗通志 卷之二十一 土田志六 三
租約三百三十五張長租地二十七頃四畝有零
租市錢二千五百一十千文又銀三兩穀三百餘
畝石甚屬不合查屯莊地畝給與無業旗人耕種輸
半租原爲旗人立經久之業自應力勤耕作永安注
計乃不肖屯戶等擅將所種額地私立坐租之名
內違例長租實與私典無異若非嚴行懲劓無以儆
國戒將來應如該督所議將長租地二十七頃四畝
一併有零全行撤出召種輸租其各屯長屯爭得過長

租錢文銀兩穀石并令勒限追出入官屯長納寧
屯戶張桂民人劉全忠等均應照律分別治罪但
事犯在乾隆十四年四月初九日以前
恩詔以前應予援免

又議屯長額種地畝之外復有認種空分地畝因
屯戶退出地畝有違欠者據屯長呈明代種帶銷
其無違欠者亦准認種交租前督臣高斌酌議令
屯長代種既可以帶銷舊欠又可以裕其生計詎

欽定八旗通志 卷之二十一 土田志六 三
意不肖屯長因認種地多遂爾長租私典以致積
欠纍纍今既徹底查清自應將屯長認種地畝概
行撤出召民承種輸租清賦屯長認種地畝概
又議節年舊欠科則穀及代種帶銷穀又節年舊
欠帶完銀及舊欠認種空分地租銀均應酌定年
限帶徵查屯戶所種額地僅交科穀舊欠尙少其
撤剩地畝歲獲租糧儘可帶銷應將所欠科穀無
分多寡均以三年帶完至屯長認種額地及空分

地畝兼交銀穀節年積欠較多存剩地畝及所食
錢糧不敷坐扣應再行查核如爲數不多三五年
內可以帶完者銀則於錢糧內按季坐扣穀則於
所種地內分年帶交倘所欠銀穀過多約計年限
不能帶完者卽將該屯長革退嚴行治罪至防守
尉有管轄之責既徇情任其貪多攬種其私行立
約長租又毫無覺察以致連年積欠無完應卽著
落防守尉名下賠補如既定分年之後復不按理

清完以致逃亡拖欠者應將未完之項亦著落經
催不力之防守尉按數賠補平數入無宗親項著
又議未完借領捐備穀二千餘石及借米八十三
石各屯戶前欠未清續借自宜樽節乃並不計及
該戶能完與否遽行申部請借移交地方官放給
竟致一人名下拖欠多至數十餘石其徇庇濫借
咎實難辭據該督聲明乾隆九年

恩詔所有借出籽種口糧等項查明實在無力完繳者

准予豁免今前項未完原借米麥穀石是否實係無
力完繳應令該督詳細查明取結具題其餘未完
原借捐備穀石應如該督所請均分作三年帶完
如限滿不能催完卽著落防守尉名下賠補
又議此項屯糧向係地方官經徵按年彙入另案
奏銷防守尉雖有管轄之名並無協催之實查屯
戶以防守尉爲專管民人以州縣爲專管理事廳
則旗民統轄應將屯戶額徵科穀責令防守尉經

徵其退出召民承種地畝應令地方官經徵統以
各理事廳爲督催每年另冊奏報如有未完與地
糧一例處分
又議理事同知既有分任督催之責如有關屯戶
錢糧地畝事件理應公同稽查該防守尉不得徑
行申部并令嗣後防守尉一面徑移道司核詳咨
部一面移明理事廳查核轉報
又議旗人地畝久經嚴禁不許私行典賣今固安

霸州等處屯長擅將所種旗地私立坐租之名租
與民人耕種實與私典無異該防守尉等漫無覺
察殊屬不合應將原任固安縣防守尉海明原任
霸州防守尉孫塔均應照例各罰俸一年事在
恩詔以前應予寬免奉
旨依議

以上屯戶規制

者亦為納銀莊頭帶地來充者為投充人單身投

充願領地納銀者每人給一繩地

四十二畝為一繩

地人納蜜納葦納棉納靛者為蜜戶葦戶棉靛戶

坐落順天永平天津保定宣化所屬州縣及喜峯

口古北口外等處

均共田賦日賦此項地日

鑲黃旗四十四莊帶地投充人及繩地人共一百

五十八名蜜戶八名葦戶六名共地二千三百六

十八頃有奇後定為大莊一百五十九所半莊五

十九所園三十二所共地四千三百八十六頃

正黃旗四十七莊帶地投充人及繩地人共六十

三名蜜戶十有八名葦戶一名共地一千三百九

十九頃有奇後定為大莊一百四十六所半莊五

十四所園二十九所共地四千一百二十三頃

正白旗四十一莊帶地投充人九十三名蜜戶十

有二名共地一千九百八十八頃有奇後定為大

莊一百五十三所半莊五十八所園三十九所共

地四千二百七十九頃

帶地投充人各帶地畝多寡不一計地三千三百

頃九十八畝零繩地人計地三百五十二頃四十

五畝均每畝徵銀三分草一束

蜜戶計地三百八十九頃六十三畝零每六畝徵

蜜五斤交納官三倉

雍正六年准蜜戶所交蜜除官三倉呈明足用外其餘每

畝折銀五分交廣儲司庫

葦戶計地一百四十九頃八十二畝零按地肥瘠

每畝徵銀一分至八分不等除每年額徵蘆葦四

萬餘觔抵折銀兩外其額徵銀五十二兩零交廣

儲司

棉靛戶共地二十四頃七十二畝每棉丁徵棉花

五十觔靛丁徵水靛百觔交廣儲司

乾隆五年議棉靛戶之地

畝嫌薄不堪種棉種靛准照投充人之例每畝徵銀三分草一束銀交廣儲司草交會計司

又菜園瓜圃順治初年定每內管領下菜園頭二

名瓜園頭各輪班交納菜蔬瓜實後立茶庫在

熙三十三年定菜園頭為六十名每名給畦地一項八

十畝無畦地則每畝折給旱地五畝每名旱地九頃除

暢春園奉宸苑種菜各用園頭一名外其餘五十八

名隨時交納鮮菜按菜園頭六十名中二十五名係畦地三十五名係旱地乾隆

四年奏准畦地照舊供安肅園頭四名專納白菜

菜旱地折銀交廣儲司瓜園頭三十名給地與菜園頭同歲納瓜茄諸蔬又承種

雲南西瓜園頭二名各交西瓜一百投充西瓜園

頭四名各交西瓜一千

又菓園順治初年定順天保定河間永平等府屬

設菓園一百三十六所共陳丁七百有五給養贍

家口地二百七十一頃二十畝零每丁歲徵銀三

兩

盛京陳園丁三百五十有一廣寧陳園丁一百十有

七每丁歲徵銀三兩近畿新園一百二十一所

攜地來投共八百七十頃四十七畝零每畝徵銀

五分嗣於南苑設菓園五所在康熙十二年各給地一

頃十有九畝外各給養贍家口地二頃十畝歲納
 各種桃李不徵地畝錢糧等又以新陳各園頭等
 子孫繁衍將入官地畝增設新園二十六所各給
 地五頃計地一百三十頃每歲按畝徵銀一錢如
 遇水旱一例豁免 在雍正二年 又
 盛京增新丁八十四名每丁徵銀三錢六分廣寧增
 新丁三名每名徵銀四錢二分共徵銀三十二兩
 有奇

景又營造司設灰軍煤軍炭軍各以地三十五畝編
 為一丁其草子匠各以地四十二畝編為一丁灰
 軍及草子匠共地一百八十九頃二十一畝每七
 畝徵銀二錢一分草七束銀交廣儲司草交會計
 司煤軍及草子匠共地一百八十八頃五十一畝
 炭軍地一百八十四頃八十畝 徵銀皆與灰軍同 每地六
 畝交草七束以上各設千總三人把總四人外郎
 四人即于三項軍丁內選補每人各給地三十五

畝免其賦三畝軍丁內管領下亦三十畝為一丁每十
 又長夫三旗佐領下火每地三十畝為一丁每十
 二丁編長夫六名內管領下亦三十畝為一丁每
 八丁編長夫一名每夫每月納銀二錢三分零三
 旗共編長夫二百五十八名每月納銀五十六兩
 零遇運送物件即動用此銀僱夫三十一名
 又園戶匠役七十名各以地四十二畝
 景山瀛臺靜明園南花園每名給養贍家口地六十

畝其餘各園給地三十畝功德寺園頭一名花匠
 二名種花地二十畝豐臺園頭一名花匠二名種
 花地六十畝將容城房山等縣取租地二十頃分
 給二處園頭備辦正陽門外三里河金魚池投充
 園頭一名長工二名每名給地六十畝有闕以其
 子弟充補
 又三千二百畝給地法十畝一畝園甲十畝小甲
 南苑苑戶每名給地二十八畝湯山苑戶每名給地

南三十畝南苑海戶每名給地二十八畝凡南苑海戶二千二百名後裁去千戶二名總甲十名小甲四十名門軍四十五名海戶五百零三名原給之地悉行撤回總甲每名增地三十二畝小甲及巡青海戶每名增地十二畝尚餘地八十八頃八十八畝仍為羊草地其牆外馬道及通州等處退出地七十四頃交與戶部令州縣徵收錢糧

又沙河鹽匠司匠內頭目二十名各給官地一畝

二分其餘匠役各給官地一畝均令新舊交代相承為業其水田二十一頃十有五分旱地一畝八

順治十八年奏准將帶地投充新丁分為三旗共計丁三千三百七十丁現今實在一千二百四十七丁每丁有地自三十畝至四十二頃不等共地一千七百七十二頃二十四畝零內有水田二百四十一畝零每水田六畝徵銀兩五分旱地六畝徵銀三錢五分再籍沒入官無地牲丁三名各徵

丁銀三兩每年共徵銀八千八百八十五兩零均
催交廣儲司內有納牲者按則折銀准抵正賦有
被水者俟報到具奏停其徵收有衝壞溝渠不能
耕種水田尚可改種旱地者停其水田之賦照旱
地徵收衝成溝渠不能耕種者將應徵之賦暫停
徵收均於每年秋收後委官察驗丁銀三兩共
稻田莊共水田二十五頃十有五畝旱地二頃八
十八畝坐落涿州房山玉田等州縣

豆糧六莊計地四百九十二頃八十六畝坐落武

清縣

康熙八年題准將各莊編爲一二三四等每十年

編一次

九年奏准於附近莊頭內選四人於

南苑安設四莊每莊給地十有八頃

十二年奏准

南苑增置莊一所

南又奏准房山縣設稻田莊一所計水田二頃八十四畝玉田縣設稻田莊一所計水田六頃六十畝旱地一頃二十畝餘地十百八頃

又奏准安設瓜園菜園除額給地外並予養家口地一百二十畝牛四頭蒲簾一百二十五秫稽三千五百束均免差一年

二十一年奏准涿州設稻田莊一所計水田七頃八十畝旱地一頃六十八畝餘地八十六畝坐落苑

又議准

盛京糧莊所納糧米給與三旗人丁口糧外餘於該莊作窖收貯

二十三年奏准山海關外莊頭每十年委本司官前往編定等次

又奏准

暢春園內餘地及西廠二處種稻田一頃六畝令附近之莊頭壯丁每年輪種給與石景山等處地十

有二頃三十四畝四分以為耕種稻田之資

二十四年設立糧莊每莊給地十有八頃舊例每

莊壯丁十名選一人為莊頭給田一百三十晌場

園馬館另給田四晌壯丁蕃衍則留于本莊缺則

補足給牛八頭量給房屋田種口糧器皿免第一

年錢糧至是設糧莊每莊地三百晌其頭等二等

莊頭不准給牛又山海關內古北口喜峯口外糧

莊每一所納糧百石

此名餉石每石合倉石三石六斗每百石合倉石三百六

十山海關外糧莊每一所納糧百二十石

合倉石四百三

石十二

二十五年定莊田報災之例凡莊田報災定例於

七月二十日以前莊頭呈報會計司委員察勘於

定額內酌量豁免至是題准莊頭報災勘災得餘

剩好地六十五晌以下者給與養贍家口六十五

晌以上者照舊當差

二十六年題准於納銀二百之莊頭內改立糧莊

增壯丁爲十五名

三十年奏准各莊頭收存之糧核明實數或十莊

或五莊收聚一處擇殷實之莊作窖收貯六十五

三十四年奏准歸化城安設

皇莊十有三所各給地十有八頃於各莊頭子弟及

殷實壯丁內選充莊頭每莊歲徵米二百石由歸

化城都統徵收貯本處旗倉

四十五年奏准捕牲烏喇地方於蜜戶內簡選五

人安設

皇莊五所每莊定壯丁十四名給以牛具令其開墾

四十八年令莊頭地畝不足額者准其補給薄賺

沙壓者准其換給

五十年定糧莊納糧之數山海關內古北口喜峯

口外頭等莊報倉石二百五十石二等莊三等莊

遞減三十石末等莊報一百三十石每石折小米

五斗

五十一年定山海關外頭等莊報倉石三百二十
二石二等莊三等莊遞減三十石末等莊報一百
九十二石
又定領種入官地畝莊頭四名每名報糧七斗石
帶地納糧莊頭一名報糧六十四石

又奏准豐臺安設菜園十有一所除給地外並予
皇鑿井六口牛四頭房三間
五十五年定給莊頭頂帶之例莊頭內當差四五

十年不欠錢糧者給八品頂帶二三十年無欠及

年老不能當差者均給九品頂帶

舊例賞罰於額
外多納一石者

賞銀四錢多者賞馬匹端單缺額一
石者責二鞭鞭不過百後此例皆停

又奏准

盛京莊頭每十年委本司官前往編定等次

五十七年奏准各州縣莊頭子弟內簡選十五人

於駐馬口外彌陀山等處安設

皇莊十有五所各給荒地十有八頃令其墾種

皇六十年議准涿州入官稻田三頃令附近莊頭承
種

雍正元年奏准各州縣

諭山海關內莊頭等所欠陳糧俱令豁免所欠新糧限三

年內交完尋內務府議定一二年內全完者賞給品級

及加級有差三年不完者罪之

又奏准山海關外莊頭等次改令錦州副都統編

審造冊送府停止司官前往

二年定莊田勘災例以被災地畝編作十分按分
數免差仍計口給糧有隱報者罪之

三年令口內莊頭交倉所餘之糧折銀交廣儲司

口外莊頭糧米運交熱河倉其雜糧秣糶等項亦

折銀交廣儲司

又奏准山海關外一等莊給地五十四頃二等五

十一頃三等四十五頃四等三十九頃如有不足

額者將各莊餘地補給其餘地畝令地方官召民

耕種輸租戶部

又奏准功德寺水田七頃四十四畝甕山水田八

頃十一畝所得稻已敷一年之用留此三處官種

外其六郎莊等處應租與附近居民計六郎莊水

田五頃四十八畝旱地三頃七十五畝北塢水田

九頃三十七畝旱地一頃八十八畝蠶子營水田

十頃旱地一頃二十五畝黑龍潭水田五頃三十

一畝旱地五十四畝石景山水田四頃八十二畝

功德寺頭圈水田一頃三十五畝旱地一頃八十

七畝甕山旱地一頃一畝六郎莊房基地十五畝

荷花池四畝功德寺房基地九畝荷花池十二畝

各有奇洩水河荷花池一區甕山荷花池一區並

分別徵租有差

六年奏准將豆稽七十二莊均改爲半莊并人現

有半莊共計半莊二百七十有一

又議准向來各莊但有居住村各地畝數目未載

四至今內務府司官會同戶部及地方官逐丈
量各造四至清冊三本分貯內務府戶部直隸總
督衙門以備察覈

又奏准駐馬口外彌陀山等處十有五莊每莊歲
納米二百倉石由右衛將軍徵收貯該處旗倉

七年議准丈量口外莊頭等原額地畝並自墾地
畝甚屬過多且不畫一將現在頭庄各給地三十
九頃所餘之地共二千九十頃五十二畝按每莊

三十九頃之數于莊頭子弟及誠實壯丁內選五
十三人增設莊五十三所

又奏准將房山縣入官稻田七頃九十五畝增設
莊一所

又奏准關內三百二十二莊內定爲一等五十七
莊二等十有六莊三等三十八莊四等二百十有
一莊口外一百三十八莊均定爲一等

十三年定承催官獎勸例六年全完者加一級三

年全完者紀錄

按承催官于乾隆元年停止至四年復設

又奏准各等莊頭四等陞為三等三等陞為二等

二等陞為一等原有頂帶者各加四級無頂帶者

以次賞給九品從八品正八品頂帶初次降等有

頂帶者褫革無頂帶者鞭八十二次鞭一百三次

鞭一百草退莊頭人官由十題次十五題

乾隆元年奉 欽 五十二

旨盛京編審莊頭等次著內務府司官會該管官辦理

二年奏准歸化城十有三莊墾地二千六百餘頃

每莊各給六十頃外尙餘地一千九百餘頃交地

方官募民耕種輸租戶部

四年奏准菜園瓜園地亦照莊地丈量四至造冊

存案

又奏准凡投充人等所帶地畝如有薄鹺沙壓者

委官勘實准其退出暫交地方官召民耕種輸租

戶部其附近處有可補之地照數補給如無可補

之地卽按其現有地畝交差八年奏准自康熙二十三年編審等第以來凡地畝寬裕者皆已陸續墾等加差若仍照例編等必至有名無實應停止十年編等之例

九年議准德勝門外向有荷花池一區每年僅徵銀四十五兩今勘得內有稻田九十四畝旱地三畝荷花池七十六畝蒲池五十四畝共應徵銀八十兩有奇歲入奏銷又德勝門內銀錠橋西所有

稻田三頃向屬本苑管理後因地勢高窪不等難以耕種所有房屋交房租庫管理年來挑挖河道疏濬順利業經栽種荷花已成荷池除房租仍聽房租庫收租外所有荷池地畝應仍歸苑管理以昭畫一

又覆淮燕郊及白澗桃花寺隆福寺四處

行宮各置千總一人兵八名應得俸銀俸米除燕郊一處仍於本佐領關支外其白澗等三處官弁俸

銀於佐領下關支俸米則各於附近撥地九十畝
給抵其四處兵丁每兵月餉五錢外亦各於附近
給地六十畝以抵月糧

十年覆准燕郊白澗桃花寺隆福寺盤山鬲髻山

蟠龍山

今大興莊

三家店八處看守

行宮之干總畫一每人歲給俸銀六十兩又撥給官
地九十畝所有馬乾俸米一併裁汰此八處兵丁
各給官地六十畝每月給餉銀一兩

又奏准

再題

國初以來附近耕種地畝自二三十頃至四五十頃
不等嗣後此等地畝如莊頭係子孫弟兄及族人
承種者不必議減外其欠糧或緣罪革退及絕戶
以異姓承種者均以十八頃為一分九頃為半分
餘地足十八頃九頃者增設大莊半莊奇零不足
數者交地方官召民耕種輸租戶部

十一年議奏石槽懷柔密雲瑤停四處

行宮照燕郊等處之例各設千總一人照例給地九十畝歲給俸銀六十兩至於兵丁除盤山十二名燕郊等皆八名瑤亭六名均毋庸議外惟懷柔羅家橋現兵各五名應各增一名密雲現兵六名應增二名照例給予地畝月餉奉旨羅家橋懷柔縣行宮不必增設兵丁將所議增設之二名增與瑤亭行宮
又奏准專設

暢春園西廠莊頭除舊給石景山地十有一頃三十四畝四分外將附近州縣入官地增給六頃六十五畝六分以足十八頃之額
十二年覆准口外

行宮千總歲支俸銀及撥給官地尙與口內千總不甚相殊而委署千總每名給地九十畝月支餉銀五錢兵丁每名給地六十畝而月支餉銀或多或少或有或無參差不一今酌定千總每月餉均增

爲一兩兵丁均增爲五錢至巴克什管一處千總
應改隸熱河總管照例給地九十畝歲俸六十兩
以昭畫一

十三年議准

瀛臺麥田每年委附近莊頭一人辦理

又奏准宣化府不足之莊地十有八所除應納錢
糧只按現在畝數徵收外嗣後有報水衝沙壓者
內府官會同地方官勘實召民承種輸租戶部十

十七年議准司屬東安武清之雀戶被水淹沒地
四十九頃有奇自乾隆六年以來均由司委官前
往會同地方官察看惟有乾隆十年勘出水涸淤
地六十六畝有奇業已升科餘年前未察出徒滋
紛擾嗣後停止委官交戶部轉咨直督於每歲秋
成後飭地方官勘明報府再宛平縣尙安邨雀戶
水田被水衝壞溝渠水淹成溝難以耕種田九十
五畝堪種旱地二十四畝歲委催長一名察勘以

杜隱匿

三十五年定莊頭承種額撥官地不准藉稱薄謙

沙壓退交兌換其有誤差不能承充莊頭者內務

府大臣查勘確實另派莊頭承種

四十七年奏准內務府所屬莊園人等承種官地

如遇旱澇災歉俱照民地之例一分至四分者不

准報災其分給口糧之處槩行停止

以上內府莊園數目

宗室莊屯數目一百十八所半莊五所共八

謹案

國初諸王勲戚及八旗臣工俸糈之外既

賜園地復案所屬壯丁撥給响畝遇有旱澇隨時

賜賑澤至渥矣故前卷既載規制茲復以累年給予數

目開具

於後

鑲黃旗宗室整莊四所半莊一所園一所共地六

百一十响坐落大興通州武清平谷河間各州縣

正黃旗宗室整莊五所半莊十二所莊四所園三

所共地一千七百七十六响坐落大興宛平三河

實城順義涿州房山保定雄縣易州在邱各州縣
正白旗宗室整莊四所莊一所園二所共地六百
响坐落順天香河通州寶坻房山及沙河所等處
正紅旗宗室整莊一百四十五所半莊三所整園
五十所半園十所園四所共地二萬七百三十六
响零坐落順天宛平昌平涿州文安保定定興涿
水及遼陽海城蓋平各州縣

鑲白旗宗室整莊一百七十八所半莊五所莊八

所整園八所園二十所果地旋州網戶獵戶等地
七十六處共地二萬八千六百一十九响零坐落
大興宛平良鄉固安永清東安香河通州三河武
清寶坻昌平密雲懷柔房山霸州薊州玉田平谷
遵化豐潤遷安灤州樂亭保定易州河間任邱滄
州保安及遼陽海城蓋平鐵嶺山海關外等處
鑲紅旗宗室整莊二百九十八所半莊二十三所
莊五所整園一百十一所半園二所共地四萬三

千八百三十五晌坐落大興宛平永清香河通州
寶坻昌平涿州房山霸州灤州新城河間肅寧滄
州延慶及張家口外等處

正藍旗宗室整莊五百四十四所半莊一百五十
一所莊二十二所整園一百三所半園十九所園
七十二所果菜牧地五處共地八萬八千五百五
十四晌零坐落大興宛平良鄉永清東安香河通
州武清昌平順義懷柔涿州房山霸州保定薊州

玉田平谷遵化豐潤永平昌黎灤州樂亭新城易
州青縣無極保安及承德遼陽開原錦州寧遠廣
寧開平冷口外等處

鑲藍旗宗室整莊二百三十一所半莊六十三所
莊九所整園一百二所半園二所園三所共地三
萬七千五百七十九晌零坐落大興宛平固安永
清東安昌平懷柔灤州蠡縣安州高陽及遼陽海
城蓋平錦州開平等處

以上宗室莊屯數目

查宗室莊屯數目...

乾隆十五年...

乾隆十六年...

乾隆十七年...

乾隆十八年...

欽定八旗通志卷六十八

宗室莊屯數目

